



**De Ivre Sistendi, Et Manvvm Iniectione, Qvam Vvlgo
Arrestationem Vocant, Svccincta Explicatio**

Peck, Pierre

Antverpiæ, 1589

Utrum Apparitoris extraterritorium arrestantis. Caput 21.

[urn:nbn:de:hbz:466:1-63495](#)

De Iure Sistendi.

est ne creditores ex malitia mittat diabolicos
executores, qui omnia debitorū bona in ex-
pensis executionis & arrestationis cōsumant,
& si Iudex consentiat, conuenit non plus eos
recipere, quām si creditor Apparitoris illius
4 qui eo in loco, in quo debitore est, operatus
fuisse. Rebuffus ad ord. reg. tomo 2. titul. de
lit. requis. glo. 4.

Vtrum Apparitores magni Senatus-
bique arrestare possint. Cap. 21.

ARGUMENTA.

Apparitores magni Consilij iussa eiusdem vbique
exeuntur. nu. 1. & 4.

Apparitores magni Consilij utrum inferiorum ma-
gistratum sententias mandare queant executio-
ni. nu. 2. & 5.

Appellari an possit ab executiōe Apparitoris supre-
ma Curia, sententiam inferioris Iudicis exequen-
tis. nu. 3. et 6.

Iudex superior an in territorio Iudicis inferioris sibi
subdiri, de omnib. causis cognoscere possit, de qui-
bus potest ipse inferior. nu. 7.

HINC etiam dubitatum fuisse video, v-
trum aulici & magni Consilij Appari-
tores, qui certum territorium nō habent, pas-
sim & vbique munus suū in tota ditione ex-
ercere, sistereque aut arrestare debitorem, & e-
ius bona possint. Ioan. Imbertus Inst. foren.
lib. 1. c. 1. pauca quædam huc pertinentia an-
notasse videtur. Alibi, inquit, Apparitores cer-
tis territorijs stationibus, quas nos ballagia di-
cimus,

cimus, designantur, in quib. omnia ad eorum munus pertinentia absque Iudicis venia possunt gerere. Alibi verò nulla locorum lege vel condicione, vtique intra territorij proprij, id est Reffortus, fines coercétur. Itaq; Apparitor vni destinatus præfecturę, quam Seneschallia, seu Bailliagium vocamus, in alterius ditione suis partibus fungi non potest, data etiā à magistratu, qui illi ditioni præfet, copia. Quod si quid aduersus ea fiat, omnino irritum erit, si modo appellatio ab eo interponatur. Deinde verò adiicit, magni Consilij Apparitores, eius Consilij decreta in omni Gallia exequi posse, quippe qui in hoc concessu in regia agunt, vbiuis locorum in regno iudicant. Proinde eorum officiales, res ab iis iudicatas, citra loci præfinitionem possunt executioni tradere. Porro magis ambigua est quæstio, vtrū Consilij Apparitores alias quam ipsius sententias, manda-re queant executioni. Natūrā cum ex his Apparitorib. quidam debitæ pecuniæ solutionē in-dixisset, ab eo debitor appellauit ad supremā 3 Paris. Curiam, apud quam appellans, eam solam grauaminis causam adduxit, quod apparitor ille, ius non habebat id faciendi: verum Curia rem interiore Cōsilio pronunciauit a-gitandam. Hæc ille. Non est absimile, quod de eadem re Petr. Rebuff. to. 3. ad constit. reg. tit. de citat. art. j. gl. j. num. 4. scriptum reliquit, q. 4 Apparitores magni Consilij, possunt vbiue Cōsilij iussa exequi. Sed iussa inferiorum ma-gistratum exequi nō possunt, si ad hæc præ-

O ij fecti

De Iure Sistendi.

fecti à Consilio non sint. Vnde, inquit, interdum vidi appellari ab executiōe facta ab Ap-
6 paritore magni Consilij, eo q̄ sententiam in-
terioris Iudicis executioni demandarat. Nam
sicut Iudex extra territorium habetur tanquā
priuatus. l. 3. ff. de officiis. præsid. sic & oēs Viato-
res, vbi præfecti non sunt. Vnde in territorio
in quo præfecti sunt, virgam deferre possunt
regulariter, extra verò non possunt, nisi dum
iussa Consilij exequūtur. Et quemadmodum
ipse Senatus Principis, suam cuiq; ciuitati &
loco inferiori relinquit cognitionē & iudica-
tionem, nullaque ratione paucissimis dun-
taxat casibus exceptis, de causis apud inferio-
ra tribunalia agitandis sese intromittit, quā-
do inferioris illius magistratus negligētia nō
accusatur & detegitur. qua de re multa ad tit.
de supplend. neg. præl. in Decret. & ad l. per
minorem. ff. de iudic. annotant Interpretes:
Ita multò minus in uito inferiore aliquo ma-
gistratu Apparitor Senatus seu Consilij actus
istiusmodi arrestationis & prehensionis face-
re potest. Quid igitur est quod dici solet, Iu-
dicem superiorem in aliquo territorio, posse
cognoscere de omnibus causis de quibus co-
7 gnoscere potest inferior in eodem territorio,
teste Innocent. ad capit. cum ab ecclesiarum.
de officiis. delegat. & notant Doctor. ad l. j. ff. de
officiis. præfec. vrb. ? & rursum quod Iudex ma-
ior facit cessare iurisdictionem minoris. Bart.
ad l. fin. ff. de officiis. procons. Alexan. ad l. iudi-
cium soluitur. ff. de iudi. quodque pro regula
tradunt

tradunt nostri, quod Iudex inferior in eodem
loco habet iurisdictionem accumulatiuè, nō
priuatiuè, teste Aret. cons. 102. Ang. ad d.l. 1.
§. si quis. ff. de appell. & iudices speciales in ci-
uitate, non praejudicant potestati loci. l. nec
quicquam. ff. de offic. procons. Non inelegan-
ter hunc nodum dissoluit Anchoranus ad ca-
volentes. de offic. leg. dum ait, Iudicem mino-
rem maiori cedere in his quæ apicem seu cul-
men dignitatis, & venerationem spectant, nō
etiā in his quæ cōtentio sæ iurisdictionis exi-
stunt, per §. nulla. in auth. de defens. ciuit. col.
3. Quo modo Episcopus in sua ciuitate poter-
it exercere iurisdictionem suam, superueniente
legato, sed eo præsente solenniter benedi-
cere nō poterit. Tum verò quando inferioris
& superioris iurisdictiones ita cōstitutæ sunt,
vt altera per alterā iuuetur, & vt specialis iu-
risdictioni generali adiungatur tunc magis cu-
mulatio, quam priuatio iurisdictionum dici
potest. vt l. fi. C. de iurisd. omn. iud. Sed vbi iu-
risdictiones istæ sunt planè diuersæ, vnuis Iu-
dex etiam maior, non intromittit se de iuri-
dictione Iudicis inferioris, ne iudicia cōfun-
dantur. l. hac consultissima. C. de testa. Et his
quidem cessantibus, si vel statutum, vel con-
suetudo, vel præscriptio, vel priuilegium exi-
stat in contrarium, vt est in his ditionibus, Iu-
dex maior, & Senatus de iurisdictione infe-
riorum locorum, ciuitatum, aut magistratuū,
se non intromittit, vt not. latè Felyn. ad cap.
pastoralis. de offic. ord. Eodem igitur modo,

O iij & Ap-

De Jure Sistendi.

& Apparitores sese immiscere rebus, ad alios inferiores pertinentibus non possunt. Ordine enim cuncta in Repub. fieri comparatum est, ea ratione, quam natura quoque rebus ostendit, vnde harmonia, seu concors rerum symmetria exurgit.

De poena Apparitoris extra territorium arrestantis. Cap. 22.

A R G U M E N T A.

Apparitor quando carcerari potest. nu. 1.

Regij Viatores, an possint ab inferiori magistratu incarcerari. nu. 2.

Cautela pro eo qui fecit arrestum perperam. nu. 3.

Index inferior quando animaduertat in Apparitorum regium. nu. 4.

Apparitor egrediens limites sua potestatis tenetur iniuriarum. nu. 5.

CVLP A est, vt ait Pomponius, immisce-
re se rei ad se non pertinenti. l. culpa ff.
de reg. iur. Apparitor igitur qui in loco & in-
tra limites suæ functionis nō manet, sed pro
libidine sua, quod ad se non pertinet, & in a-
lio loco vbi hoc illi permisum non est, ar-
restare audet, adeoque alienæ rei citra legis ad-
miniculum sese immisceret, culpa carere non
potest turbato namque ordine facit quod sua
minus interest; nisi fortè propter periculum
fugæ debitoris, vt ait Paris de Puteo, in tract.
de syndic. ad verb. clericus. cap. 2. Sed qua ra-
tione & quo modo, hæc culpa, quæ pœnam v-
tique requirit. Ita vulneratus. ff. ad l. Aquil.
coerce-